

Iraqw - Agape Gooi - God's Love Letter Scriptures

Yohana 15:9 Adoodá' Baabá aníng ira slaá', aníng sleeme kuungá' nuna adoodár slaá', baraá sla'aarir'eé' wa hootaak.

Isaya 43:1,2 - Efeso 2:10 Asma atén a gadiyér Mungú. Inós atén tina tleéhh ar baraá Kristo Yesu, as atén tlehhma'aá hho' kiwa tleehhaan, kudá' Mungú aa qaroó amohhe'eés as atén kiwa eehaaraan.

Yeremia 1:5 - Galatia 1:15 Ala Mungú aníng ina tsawaár iimír aníng tiwa laqwaaliiká, iri ateét as gurtleemuuwós, as aníng inós nguwa sagadiyuus.

Yohana 15:16 Aníng kuungá' iga tsawdi'iiká, ala a án kuungá' nuna tsawaár, nuri qaás as mamu kiwa laqwaalár eera', nee mamuuhung iwa hootiya', as tidá' sleémeero ta firiinda' ar umuueé', Baabá ngiwa haniisi.

3 Yohana 1:2 Sla'aarusmooeé', án kuúng un aleefiriiriím as adór hhoo' kawa ar hot, nee slaqwtók masók ka hhoo', adoodá' muunuúwók kur hhoó'.

Isaya 43:4 - 1 Petro 2:9,10 Ala kuungá' a xoorór taa tsawaár, geeraharuusér saalingw ar doó waawutmo, xoorór hhoohhoo', xooroodár Mungú aa tós tleéhh, as kuungá' tlehhemi'iwós kudá' xirfayen kuungá' kiwa alki/ita', kudá' inós aa tleéhh. Inós kuungá' nuna ateét baraá giwtír wa ale, nuri dahaás baraá gwa/atamaayeerós tidár waa/oo/amór koom. 10 Asma kuungá' aáng geeraawo a xooroorooká, ala hám daxta a xoorór Mungú. Kuungá' aáng gurtleemuú Mungú ugwa sleeri'iiká, ala hám daxta gurtleemu ugwa sleéré'.

Yeremia 31:3 - Efeso 1:4 Inós iimír yaamu ngiwa tleehhiiká, atén tina qaroó tsawaár ar baraá Kristo, asma tawa múk taa hhoohhooeés tleehhitaan, oo tlakweemaá koomaaká dír geeraawose.

2 Timoteo 1:9 Inós atén tina ba/amís, tiri ateét ar ateetamór hhohho'. Adoorí gana tleéhh, a gídaabaheeká as tlehhemi'iirén, ala gana tleéhh as adoodá' inós aa slaá', nee as gurtleemuuwós. Gurtleemuuwós kwí nguna haniís ar baraá Kristo Yesu iimír qoomaadá' gár taa iimu/ún iwa kakh.

Yohana 3:16 Asma Mungú múk baraaká' yaamu guna adoorír slaá', tam Garmaawós oo kilós nguri haniís, umuúqo heewo oo inós gwa haratlintii', miwa qwaár, ala masók slafíngw alhhe'eesay wásl ngu slay.

Hoseawo 11:8; Isaya 49:15,16; & Isaya 41:13,14

Luka 12:32 “Ma da'ayumitaara', kuungá' awa daqtá niina. Asma

Baabuúhúng gaa slaá' waawuti'iimadá' ngiwa haniisi.

Matayo 28:20 nee ki intsaahhatimisá' kawa oohi tidá' sleémeero naa kuungí hara'ayiím. Nee ga/aawaak, aníng nee kuungá' a dinkwa deelo sleémeero ay alhhe'eesoó yaamu.”

Yohana 14:1 “Ma amoqwaqwadiimara' baraá munerhunge. Kuungá' Mungú ugwa haratlintié', án na haratlintiaré' sleeme.

Wara'amto 23:1 - Yohana 10:11 “Aníng a de'eamusmoó hhoó'.

De'eamusmoó hhoó' slafiingós gun duux as daanduú bee/aangw.

Wara'amto 23:2 - Geehhoeemaá 7:17 Asma Deelmoó bee/i kwí tla/ángw kitángw aleesleemuú i dirií', inós inooín gi de'én, giri geeraharahaar didár kutltá ma'aá slafíngw koomá' i dirii'. Nee Mungú hhirhheeri'ín sleémeero gi fiits baraá ilaaine.”

Wara'amto 23:3,4 - Luka 1:79 as kudá' baraá giwtír i diriiá' nee kudá' baraá mahhtír gwa'ara ngiwa i gwa/aatiya', nee as atén tiwa gan'aasi baraá loohír amór waydí hardah.”

Wara'amto 23:5,6 - 2 Korinto 1:10 Inós atén taa ba/amís baraá tsaxwaá gwa'arár adór tí, nee slám ti malé ba/amis. Atén haraxu'utirén aga gawaawós i qaasaán, gídaabá inós i kumiit atén tiwa ba/amiimisi.

Filipi 4:7 Nee wayduú Mungú, kudá' tsaahharo ta aleeslawanaaká sagaalooarene, munerhúng ngi de'en, nee inslawayhúng baraá Kristo Yesuwo.

Slaqsi'i 3:24 & Wara'amto 4:8 - Yohana 14:27 “Wayda ngu kuungá' i geexáw, wayduueé' ngun haniís. Wayduudá' aníng ni hanmiis, a adór wayduuduú mukwí oo baraaká' yaamu ni hanmiisiiká. Ma amoqwaqwadiimara' baraá munerhunge, slám ma da'ayumitaara'.

Wara'amto 33:18 - 1 Petro 3:12 Asma Aako mukdá' gan'amuú koóm gun ga/áy, nee firor'ín ga axamiis umuúqo siiwaro. Ala gitsee/aá Aako i daanduú mukdá' tlakweemaá tlehhiít. Asma Aako mukdá' tlakweemaá tlehhiít gu sii'. ”

Rumi 5:2 Baraá Yesu Kristowo sleeme atén pa/aangw ugwa slawaán oo gurtleemuuwí nguwa i hardahaan. Atén hamí an baraá gurtleemuuwí wa iwiwiitaán. Slám atén a qwalala/aán asma haraxu'utirén tidá' ta koomaan ar xirfuú Mungú kuwa slawaan.

Isaya 55:12 - Luka 19:40 Yesu giri báy, “Án a kah, inooín barta xasliít, tlaa/eká' i tseeiyá'.”

Yohana 16:22 Ala dirhunge a adoorí sleeme, a gurhaamutá', ala án kuungá' nu malé ár, nee munerhúng iri qwalá/, nee qwal/uuhúng heé gu hingeés i

kaahh.

Luka 12:9 Nee kudá' án iga sa tlaank dír geerá múk wa ale, nee inós ku sii' dír geerá malaykér Mungú wa ale.

Matayo 10:30 Nee kuungá', tam se'éngw gawaá sagerhúng sleémeero kwaa faár.

Isaya 54:10 - Matayo 24:35 Doorí nee yaamu i waaraahhiyá', ala axweesante'eé' i waarahhká baloó alé."

Matayo 11:28-30 "Qwalaasé' amor'eé' kuungá' sleémeero awa daawimiitá' nee awa huuwa aa al iilouúr, án kuungá' nu hungu/uús. 29 Ingitir'eé' gawaá sum'ihúng i qaasaak, dir'eé' wa intsatsahhaak. Asma aníng ti tsatsa'aár, nee muunuúeé' ku gurhhoó'. Daqaní kuungá' amohhooa a sleerá' baraá munerhunge. 30 Asma ingitir'eé' i natsatsá' nee huuwar'eé' ka inslaahh."

Sulemani 2:10 & Hoseawo 2:14,19,20

2 Korinto 11:2 Aníng gura' iga óh as kuungá'. Guruuwí aníng iga oh, amór i dahhi a amór Mungú. Asma kuungá' a adór /amatlito'ór hhoohhoo' ar taa kwatiitiiká. Aníng al'axweesani aga haniís, /amatlito'oorí ngiwa haniis dír hhawaatuú wák. Nee hhawaatuuwí an Kristo.

Exodus 3:14 - Ebrania 13:8 Yesu Kristo inós an kuduú isá/ nee laarí tam ay alhhe'eesay wasle.

Hoseawo 13:4 - Lehhema'aá Ya/abuuse 4:12 Asma ba/ama i káhh dír heé hatlae, slám umuú hatlá' i kaahh baraaká' yaamuuwo oo taa múk i haniís oo atén tar ba/aman."

Yohana 15:14 Kuungá' a mulqer'eé', bar tidá' án naa hara'ayiím aga tlehhé'.

Yohana 14:6 Yesu iri oó', "Aníng an loohi nee looeema nee slafiingw. Heé naa dir'eé' ar oohiikág, i amór Baabá i hardihiiká.

Geehhoeemaá 3:20 Ga/aaweek, aníng a sihhimiit afkuú dó' wa ale, a ateetiím. Hee barnaxes afor'eé' gaa axaás, nee afkuú do' guri gweér, aníng a dáh amoorós, aníng niri al/ayiím nee inós, nee inós iri al/ayín dinkwa nee aníng.

Pastor T. John Franklin
Church of Salvation, Healing, and Deliverance
COS-HAD.org